

Broj: 01-01.3- 2573 /15 AZ

Datum: 03.06.2015. godine

Na osnovu člana 17. stav (1), člana 18. stav (1), člana 21. tačka d) Zakona o javnim nabavkama („Sl.glasnik BiH“ broj: 39/14; u daljem tekstu Zakon), i člana 2. Pravilnika o javnim nabavkama, direktor Javnog preduzeća „Autoceste Federacije Bosne i Hercegovine“ društvo sa ograničenom odgovornošću Mostar donosi:

ODLUKU

1. O vanplanskoj nabavci roba: „Nabavka i ugradnja opreme za elektronski sistem za nadzor i upravljanje pumpnim sistemom i nivoom vode u rezervoarima „Janjići“ i „Bilješevo““ koja će se ugovoriti u pregovaračkom postupku bez objave obavještenja.
2. Procijenjena vrijednost nabavke iznosi: 50.000,00 KM bez uračunatog PDV-a.
3. Pregovarački postupak bez objave obavještenja o nabavci će se voditi sa ponuđačem „Deling“ d.o.o. Tuzla.
4. Služba javnih nabavki će pripremiti svu potrebnu dokumentaciju za provođenje postupka dodjele ugovora putem Pregovaračkog postupka bez objave obavještenja, u skladu sa odredbama Zakona.
5. Tenderska dokumentacija je besplatna.
6. Provođenje predmetne nabavke izvršit će Komisija za nabavke formirana od tri (3) člana u skladu sa Pravilnikom o uspostavljanju i radu komisije za nabavke („Sl. glasnik BiH br. 103/14).
7. Komisija za nabavke izvršit će otvaranje ponude, pregovarati, pregledati i ocjeniti ponude, te dati preporuku direktoru za donošenje odluke o izboru ponuđača ili odluke o poništenju postupka.
8. Ova odluka stupa na snagu danom donošenja.

Obrazloženje

Dana 17.12.2014. godine registrovan je prekid daljinske veze između COKP-a Drivuša i rezervoara Bilješevo koji se nalazi na južnoj strani tunela 1. Mart. Izlaskom na teren uočeno je obijanje bunara, pumpne stanice i rezervoara, od strane nepoznatih lica, i otuđenje određenog dijela opreme. Na lice mjesta izašla je policija, izvršila uviđaj i sastavila zapisnik. Nedugo zatim, dana 06.03.2015. godine došlo je do ponovne krađe i otuđen je preostali dio opreme. Policija je izvršila uviđaj 07.03.2015. godine i sastavila zapisnik.

Krađa se desila i 22.02.2015. godine na rezervoaru Janjići, koji se nalazi na sjevernoj strani tunela 1. Mart i došlo je do prekida daljinske veze između COKP-a Drivuša i rezervora Janjići. Izlaskom na teren 23.02.2015. godine uočeno je obijanja bunara, pumpne stanice i

rezervoara, od strane nepoznatih lica, i otuđenje opreme. Istog dana, na lice mjesta je izašla policija, izvršila uređaj i sastavila zapisnik.

Oprema koja je otuđena služila je za elektronski nadzor i upravljanje pumpnim sistemom i nivoom vode u rezervoaru prilikom eventualnih incidentnih situacija u tunelu – gašenje požara i slično. S obzirom da trenutno ne postoji nikakva komunikacija između rezervoara i COKP-a Drivuša, te da se radi o razlogu krajnje hitnosti odnosno da je bezbjednost saobraćaja u tunelu znatno ugrožena u slučaju nezgode i izbijanja požara, ugovorni organ se odlučio na sprovođenje pregovaračkog postupka bez objave obavještenja na osnovu člana 21. d) Zakona o javnim nabavkama („Službeni glasnik“ broj 39/14), kako bi se u što kraćem roku nabavila i instalirala oprema, te uspostavila veza daljinskog nadzora i upravljanja. Pregovorački postupak će se provesti sa ponuđačem „Deling“ d.o.o. Tuzla.

Ova Odluka će u skladu sa članom 28. stav (4) biti objavljena na internetskoj stranici JP „Autoceste FBiH“ d.o.o Mostar www.jpautoceste.ba, a tenderska dokumentacija se nalazi u Službi za javne nabavke, adresa Dubrovačka 6, Sarajevo.

Shodno naprijed navedenom odlučeno je kao u dispozitivu.

Direktor:
mr. sci. Ensad Karić

